

Cov Kev Cais Ntsuas Ib Ntus: Cov Nqe Lus Nquag Nug



Kuv yog ib tug neeg tau nyob ze uas tsis muaj cov kev mob tshwm sim. Kuv yuav tsum tau cais ntsuas ib ntus mus ntev npaum li cas?

Lub Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) yeej pom zoo kom cais ntsuas mus 14-hnub rau cov neeg nyob sib ze uas tsis muaj cov kev mob tshwm sim thaum twg tsim nyog. Yeej txo tau lub sij hawm cais ntsuas ib ntus kom luv dua, yog tias cov neeg nyob sib ze soj qab xyuas cov kev mob tshwm sim mus kom txwm 14 hnub.

- Yuav txo lub sij hawm cais ntsuas ib ntus ntawm 14 hnub mus rau 10 hnub.
- Yuav txo tau lub caij cais ntsuas ib ntus mus rau 7 hnub yog tias ntsuas pom tus tib neeg tsis muaj kab mob (PCR los sis roj ntsha tsim zog) thaum hnub 6 los sis hnub 7.

Coj raws lub chaw kho mob rau pej xeem cov lus cob qhia xws li looj daim ntaub khwb ntsej muab, ntxuav koj ob txhais tes, nyob sib nrug deb, thiab xyeej cov kev sib sau ua pawg. Yuav tsis txais tos cov kev txo luv cov sij hawm cais ntsuas ib ntus rau qee cov xwm txheej los sis cov chaw. Yog tias koj tsis paub tseeb txog cov kev txwv ntawm txoj kev cais ntsuas ib ntus, hu rau lub tuam tsev tswj xyuas kev noj qab haus huv hauv koj zos.

Vim li cas thiaj li hloov txoj kev cob txog kev cais ntsuas ib ntus rau cov neeg nyob sib ze nrog tus neeg muaj tus kab mob COVID-19?

Kev tshawb fawb pom tias tom qab 10 hnub feem sib kis kab mob yuav muaj tsawg dua rau cov neeg nyob sib ze uas tsis tau muaj cov kev mob tshwm sim dua. Qee zaum cov txiaj ntsim zoo yuav muaj ntau dua feem teeb meem tshwm sim ntxiv, uas yuav txo tsawg txoj kev ntshov siab ntawm cov tib neeg, cov tsev neeg thiab lub zej zog.

Yuav xam txog cov kev txo lub caij cais ntsuas ib ntus kom luv rau qee cov xwm txheej, tiam sis tsis yog ib txoj kev xav tau vim lawv tsim muaj kev sib kis kab mob ntau dua thaum muab piv rau lub caij ntsuas mus 14 hnub.

Vim li cas thiaj xam tias lub sij hawm cais ntsuas mus 14-hnub thiaj yog qhov nyab xeeb tshaj thiab yog txoj kev taug uas pom zoo?

Lub sij hawm ncu tus kab mob uas tsim muaj COVID-19 yeej tseem siv 14 hnub. Qhov no txhais tau tias koj yeej tseem huam tau tus kab mob txhua lub sij hawm hauv 14 hnub tom qab nyob sib ze nrog ib tug neeg uas muaj tus kab mob COVID-19.

Feem uas ib tug neeg nyob sib ze tsis muaj kev mob tshwm sim kis tau tus kab mob COVID-19 rau lwm cov yuav tsawg dua tom qab cais ntsuas 10-hnub, tiam sis yuav tsis qis npaum li ntsuas txwm 14 hnub.

Yuav ua li cas yog lub tuam tsev tswj xyuas kev noj qab haus huv hauv kuv lub zos, lub chaw hauj lwm los sis lub tsev kawm ntawv txwv kom yuav tsum cais ntsuas 14-hnub thiab tsis pom zoo txo cov caij ntsuas ib ntus kom luv?

Ua raws lub zos thiab cov tsev tu neeg cov kev coj qhia txog kev cais ntsuas ib ntus. Yog tias koj tsis paub tseeb txog cov kev txwv ntawm txoj kev cais ntsuas ib ntus hauv koj cheeb tsam, hu rau lub tuam tsev tswj xyuas kev noj qab haus huv hauv koj zos kom paub ntxiv.



Kuv puas koom ua tau cov hauj lwm tseem ceeb (ua hauj lwm, kawm ntawv, mus muas khoom noj khoom haus, thiab tej yam li ntawd) sab nraum lub tsev tom qab kuv nyob tiav kuv lub caij cais ntsuas 10-hnub los sis 7-hnub?

Tham nrog lub tuam tsev tswj xyuas kev noj qab haus huv, chaw hauj lwm, los sis lub tsev kawm ntawv seb thaum twg thiaj rov qab mus ua tau cov hauj lwm tseem ceeb. Yog koj cais ntsuas ib ntus luv dua tiav lawm, koj yeej yuav tsum tau soj qab xyuas cov kev mob tshwm sim qee thiab ua raws chaw kho mob rau pej xeem txoj kev coj qhia txog lub caij 14-hnub tom qab koj tau nyob sib ze.

Yog tias tsis muaj peev xwm nyob sib nrug deb tau ntawm lwm cov neeg (xws li caij tsheb thauj pej xeem, ua hauj lwm sib ze nrog lwm cov neeg) thaum soj qab xyuas cov kev mob tshwm sim, pom zoo kom koj tsis txhob txo luv koj lub caij cais ntsuas ib ntus thiab koj yuav tau cais ntsuas txwm 14 hnub.

Yuav ua li cas yog kuv pib muaj cov kev mob tshwm sim thaum kuv cais ntsuas ib ntus, los sis tom qab kuv lub caij ntsuas ib ntus xaus?

Yog tias koj pib muaj cov kev mob tshwm sim ntawm COVID-19 ib lub sij hawm twg, hu rau koj tus kws kho mob, thiab mus ntsuas tus kab mob COVID-19.

Yuav ua li cas yog kuv nyob sib ze nrog ib tug neeg muaj tus kab mob COVID-19, thiab nyob rau hauv cov chaw muaj neeg coob ua ke xws li lub tsev tu xyuas neeg mus ntev, tsev nkaum, tsev kaw neeg los sis tsev rau txim?

Yuav tsis txais tos cov kev txo luv cov sij hawm cais ntsuas ib ntus rau qee cov xwm txheej los sis cov chaw. Yuav txiav txim txog cov caij cais ntsuas ib ntus ntawm cov chaw muaj neeg coob ua ke raws ib qho xwm txheej zus. Ua raws lub zos thiab cov tsev tu neeg cov kev coj qhia txog kev cais ntsuas ib ntus.

Kuv yog ib tug nyob sib ze nrog ib tug neeg muaj tus kab mob COVID-19. Yog kuv tau kev ntsuas kab mob rau hnub 4 thaum cais ntsuas ib ntus thiab pom tias kuv tsis muaj tus kab mob, kuv puas txo tau lub caij cais ntsuas ib ntus mus rau 7 hnub?

Tsis tau. Kev cais ntsuas ib ntus tsuas xaus tau tom qab 7 hnub yog tias koj tsis tau muaj cov kev mob tshwm sim thiab ntsuas pom tsis muaj kab mob (PCR los sis roj ntsha tua kab mob) thaum **hnub 6 los sis hnub 7 (ua ntej 48 teev thaum lub caij cais ntsuas ib ntus xaus)**. Yog lub tuam tsev tswj xyuas kev noj qab haus huv hauv koj zos kheev koj xaus lub caij cais ntsuas ib ntus ntov, koj yuav tau rov ntsuas kab mob thaum hnub 6 los sis hnub 7 ntawm lub caij cais ntsuas ib ntus.

Yog kuv tau koob tshuaj tiv thaiv COVID-19 lawm, kuv puas yuav tsum tau cais ntsuas ib ntus?

Yog tias koj tau tshuaj txhaj tiv thaiv COVID-19 txhij, txhais tau tias twb luv kawg li ob lub lim tiam txij li hnub koj tau txhaj koob tshuaj tiv thaiv kab mob kawg, thiab koj tau nyob sib ze nrog ib tug neeg muaj tus kab mob COVID-19, koj tsis tag yuav tau cais ntsuas ib ntus. Tiam sis koj yuav tau:

- Mus ntsuas kab mob li 5-7 hnub tom qab kev poo raug thiab soj xyuas cov kev mob tshwm sim mus li 14 hnub tom qab hnub uas koj tau nyob sib ze nrog ib tug neeg muaj mob.
- Looj daim khwb ntsej muag thaum mus rau hauv cov chaw poo pej xeem sab hauv tsev li 14 hnub tom qab kev poo raug los sis kom txog thaum twg koj txais tau kev ntsuas pom koj tsis muaj tus kab mob COVID-19.

Yog txhua lu sij hawm koj pib muaj cov kev mob tshwm sim ntawm COVID-19, cais koj tus kheej ntawm lwm cov neeg, hu rau koj tus kws kho mob, thiab mus ntsuas kab mob.

